



6. marts 2020

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

Naalackersuisunut apeqquutit:

1. §37 tunngavingalugu apeqquutinnut 19/2020-imut Naalackersuisut apeqquummut nr. 1-imut akisimapput sipaarutaasimasut naammagisimaarlugit. Sipaaruteqarniarnerup allannguallaatai piffissami tassani (2016-2019) kingunerisinnaasai ersersikkusussimavakka. Taamaammallu ukua siammasinnerusumik paasisaqarfigerusuppakka:

- a. Pilattaasimanerit amerlassusaat
- b. Pilattaanissaraluit taamaatiinnarneqarsimasut amerlassusaat
- c. Pilatsinnissamut utaqqisut amerlassusaat
- d. Pinartumik nappaatilinnik, soorlu kræft-ertutut pasisaasunik misissortinnissamut utaqqisut amerlassusaat
- e. Inaluarsuarmi ilaanik qinngutinik misissorneqarneqarnissamut (Koloskopi) utaqqisut amerlassusaat
- f. Kalaallit kræftertut Danmark-imut katsorsartikkiartorsimasut amerlassusaat

2. §37 tunngavingalugu apeqquutinnut 19/2020-imut isumaga malillugu Naalackersuisut apeqquummut nr. 2a-imut naammaginangitsumik akissuteqarsimapput. Sulisunit isumaginninnikkut oqaloqateqarnissaq aatsaat pisinnaavoq napparsimalluni sulinngitsoorsimanerit nalunaarsorneqarsimappata. 2c-mut akissummi erserpoq sulinerunermut atatillugu akissarsiat aammalu ullunik sulinngiffissanik annaasaqarnermut aningaasartuutit qaffakkiartortut, tassungalu atatillugu napparsimalluni sulinngitsoortarnernut sammisunik pinaveersaartitsinermut tunngavillinnik peqqinnissaqarfiup aqutsisuisa suliniutinik sorlernik pingaartitsinersut Naalackersuisut ilisimasaqarfigaat?

3. §37 tunngavingalugu apeqquutinnut 19/2020-imut isumaga malillugu Naalackersuisut apeqquummut nr. 3-imut naammaginangitsumik akissuteqarsimapput. Aperivunga MTU-p suna takutissimaneraa? Aammalu akissuteqarsimasut procentiat taama appasitsigineranut aaliangersimasumik peqquteqarpa?

4. §37 tunngavingalugu apeqquutinnut 19/2020-imut isumaga malillugu Naalackersuisut apeqquummut nr. 6-imut naammaginangitsumik akissuteqarsimapput. Paasisaqarfigerusuppara atorfilittat aqutsisui suliasamat piginnaasai suunersut, aammalu DIH-p iluani akissaateqarfik qanoq annertutigisumik aningaasaliissutigineqarsimanersoq?

(Inatsisartunut ilaasortaq Anna Wangenheim, Demokraatit)

Tunngavilersuut

§37 tunngavingalugu apeqquutinnut 19/2020-imut akissutaasimasunut itisilernerqarnissaat kissaatigalugu apeqquteqarsimavunga. Taamaammallu §37 tunngavingalugu apeqquutinnut 19/2020-imut tunngavilersuutaasimasut atuaqquneqarput.



Taassumallu saniatigut qulaani allaqqasunut imatut tunngavilersuutissaqarpunga:

Inalussatigut kræfterneq kræftertut akornganni toqussutaasartuni takussaanerpaavoq, tusartuarparpullu kræftip paasineqarnera kingusinaakkajuttartuq, taamaalillunilu siaruaassimasarluni. Natermiittussanik sulisoqarnissamik qularnaarigaluarutta – tassani nakorsat peqqissaasullu naammattut pineqarput – qulaarisarnerit sukkanerit periarfissaalertissangaluarpagut, aammalu taamaalinikkut toqu malitsigalugu nappaatinik peruluutinik annikillisaarisinnaangussangaluarluta.

Siusinaartumik nappaammik qulaarinninneq inuiat ataasiakkaat ataqqinassusaat innarlernagu inuunermik sivitsorsaataaqataasinnaavoq. Taamaammallu Peqqinnissaq pillugu ataatsimiititaliarsuup saqqummiussassaa utaqqinngikkaluarlugu inuinnaat peqqissarneqarnissamut pisariaqatitaanik pingaartitsinissaq pitsanngorsaaviginissaalu anguniarlugit paasissutissanik pingaarutilinnik katersilluta sulinerput ingerlatissavarput.

Sulinerunermut atatillugu akissarsiat aammalu ullunik sulingiffissanik annaasaqarnernut aningaasartuutit qaffakkiartornerat ernumanartoqarput, taakkumi upalungaarsimasunik sulisunik amingaateqarnermik ajornartorsiuteqarnermut takutitsisuummata. Taamaammallu iliuusissanik pilersaarutaasut paasinissaat asuliinnaangilaq, tassami aamma inuiaqatigiinnut isumalerujuummat.

Naalakkersuisut siornatigut nalunaarutigisimavaat kingutitut narlorissaasarnermut tunngasumik immikkut isumaqatigiinniartoqassasoq aammalu Peqqinnissaqarfiup aqutsisuisa tamatumuuna nalunaarut atuuttup allanngortinnissaanut inatsisitigut periarfissaasoq. Taamaammallu akissaateqarfik pillugu, allaanngortiterinerup malitsigisaannik allaffissornerunissamut tunngasunik apeqqutima piviusunik akissuteqartoqannginnera eqqumiigeqara.

Nalunngilarpu Peqqinnissaqarfimmi aningaasanik atuvallaartarneq matuniarlugu ukiut tamaasa aningaasat miliuunilikkaat marlunnik kisitsisitalinnik ilassutitut aningaasaleeqqittoqartartuq, aammalu siunissami kingutitut tunngasumik sulisut pisariaqartinneqartut sulisussarsiornermut atugassatut milliunilikkaanik koruuninik nalilimmik isumaqatigiinniniartoqassasoq. Taamaammallu tulleriiarinermi assaat kissartut pinnagit assaat nillertut taaneqartartut pingaartinneqarmata tupingaara.

Apeqqutigineqarsimasut piviusorsioortumik akineqannginnerat Demokraatit isumaannik naammaginangilaq, innuttasummi tamat peqqissarneqarnissamut pisariaqatitanik atuisinnaanissaannut pitsanngorsaanaissaq kissaatigivarput.

Apeqqutima ullut sulliviit naliginnaasut qulit iluanni akineqarnissaat kissaatigaara.